

01 JUN 2002

AGONG HADIRI MAJLIS JAMUAN TEH SEMPENA KEPUTERAAN

KUALA LUMPUR, 1 Jun (Bernama) -- Yang di-Pertuan Agong Tuanku Syed Sirajuddin Syed Putra Jamalullail berangkat ke majlis jamuan teh sempena sambutan Hari Keputeraan baginda di perkarangan Istana Negara di sini petang ini.

Baginda turut diiringi Raja Permaisuri Agong, Tuanku Fauziah Abdul Rashid serta Perdana Menteri Datuk Seri Dr Mahathir Mohamad dan isteri, Datin Seri Dr Siti Hasmah Mohd Ali.

Berangkat sama ke majlis itu ialah Tengku Syarif Bendahara Perlis Datuk Seri DiRaja Syed Badaruddin dan Tengku Puan Bendahara Tunku Mudziah Almarhum Tuanku Munawir serta kerabat-kerabat di-Raja yang lain.

Antara lebih 3,000 tetamu yang hadir terdiri daripada menteri-menteri kabinet, duta-duta, orang kenamaan, pegawai-pegawai kanan kerajaan dan wakil swasta serta wakil-wakil persatuan termasuk wakil media massa.

Majlis diserikan dengan persembahan orkestra Dewan Bandaraya Kuala Lumpur dengan diiringi nyanyian daripada penyanyi Dayang Nurfaizah.

Seri Paduka Baginda berdua kemudian berkenan meluangkan masa bersalaman dengan para jemputan sebelum berangkat pulang.

-- BERNAMA  
WNZ RV MOZ